



# Synfocity = 334

31<sup>st</sup> March, 2011

mail us at : [synfo@bsnl.in](mailto:synfo@bsnl.in), [synfo@yahoo.com](mailto:synfo@yahoo.com) - Phone - 2314648

## □ Synod Moderator-in Biak In Pui 2011 hawng dawn

April 6 (Nilaini) chhun dar 12:00 hian Synod Moderator Rev. C. Lalsanglianan Mission Veng Kohhran Biak In sak thar a hawng ang. Mission Veng Kohhran hi kum 1898-a ding tan anga ngaih a ni a. Tun hma lam chuan Zosapte sikul te, P.C. Girls School te leh Sikulsen (Boys' LP School) te hmanga inkhawm neih thin a ni a. Tuna biak in awmna hi Hriangmual Bawlhmun, Ramhuai biakna hmun thin a ni a. Hetah hian kum 1913-ah biak in neih tan a ni a, a satute chu Khasi lungchher leh Punjabi mistiri te an ni a. Sikulsena an inkhawm laiin harhna a lo thleng a, inkhawmna inah an len tak loh avangin zo leh zo lovin kum 1913 April 17-ah harhna nen luah luh tan a ni. He biak in hi kum 44 chhung (1957 thleng) hman a ni a. Rev. J.M. Lloyd-a hovin biak in thar sak a ni a, hetih chhung hian Jubili Hostel, Mission Vengthlang-ah inkhawm thin a ni a. Biak in thar chu Mizo mistiri-te sak a ni a, a sakna senso atan hian Mizoram chhung leh pawna kohhran hrang hrangten tha an thawh nasa hle a. A senso zawng zawng chu Rs. 62,264.76 a ni a; thawhlawm thawh dan za zela chhutin hetiang hi a ni:

- ♦ Mission Veng Kohhran : 79.2%
- ♦ Hmun dang (*Sapram, Burma, India ram hmun hrang hrang atangin*) : 14.4%
- ♦ Synod : 6.4% (Mizoram chhunga Kohhran hrang hrang thawh khawm)

Kum 1964 August 27-ah biak in thar chu luah tan a ni a, Mizoram chhung leh pawna Mizo Kristiante biak in intawm anga ngaih a ni a, Biak In Pui tia a hriat a ni ta nghe nghe a. Inkhawmpui Lian chi hrang hrang nghahna bera hman a ni a. Kum 1965 khan Salvation Army hote pawhin an Centenary lawmna atan an hmang a ni. He biak in hi kum 47 zet luah a ni a, kum 2005 October thla khan thiah a niin Biak In Pui thar din a ni ta a. Biak In Pui thar hian thil dang a keng tel nual a, a chuan hnuai lamah lirthei dahna (parking) te, hmun ruak hman tangkai theih (semi open hall) te, Kohhran Hall 2 ( a lian leh te deuh) te leh a hnung lamah Office leh Library, Committee room hrang hrang leh Chowkidar Quarters te a awm bawk a, a sakna senso hi Rs. Nuai 650 zet a tling tawh a, tunah hian cheibawlina neuh neuh chhunzawm tur a la awm nual bawk a ni.

## □ Synod Moderator-in Naisingpara Bru Camp tlawh

Synod Moderator Rev. C. Lalsangliana chuan March 19 (Inrinni)-a Naisingpara Bru Camp kang tuarte tlawhin March 25 - 28 chhung khan tanpuina a hlan a. Synod Moderator hi Upa D.P. Biakkhuma, Synod Secretary (Jr), Tv Peter Lalanpuia, Synfo leh Pu F.Rawntlinga ten an tawiawm a ni.

Mizoram Synod chuan thumhnav, mutbu, bungbel leh silpouline a kente chu Naisingpara Bazar hmunah Function buatsaihin Mizoram Bru Displaced People Forum Vice President hnenah an hlan a ni. Mizoram Synod hminga sum leh paia tanpuina chu Rev C. Zoramawia, Tripura Field Secretary kutah hlan a ni a, ani kaihruaina hian semchhuah a ni ang. Tanpuina hlan dan hetiang hi a ni :

1) Thuamhnav/mutbu	- 668 Bags	1. Synod atangin	- Rs. 4,50,000.00
2) Bungbel	- 82 Bags	2. Kohhranho thawhkhawm	- Rs. 58,000.00
3) Silpouline	- 200 pieces	3. Bethlehem English School	- Rs. 4,000.00
Noagang, Tripura pek			

### Kangmei tuar dan dinhmun :

Naisingpara khua hi March 19 chawhma dar 10:30 vel atangin a kang tan a, In zawng zawng 2895 zinga 2085 lai a kang ral a ni. Kangmei tuara thi mi 18 vel an awm a, hliam 40 an awm bawk.

Hun bichilh tak kara Synod hriattirna hmanhmawh lo puanzarsaktu Local TV Operator-te leh Media hrang hrangte chungah Synod chuan lawmthu a sawi a. Synod thuchhuak bawhzuia hun chep tak kara kangmei tuarte tanpuina thawhkhawmtu kohhran leh mimal tinte hnenah lawmthu a sawi bawk a ni.

## □ Kohhran Hmeichhia

- ♦ April 2 & 3 hian Sesawng Bial huapin Sesawng Kohhranah Leadership Training & Kristian Chhungkaw Campaign neih a ni dawn a, neihpui tur hian Central Kohhran Hmeichhe hruaitu NI. Vanlalsawmi, Asst. Coordinator; Pi C. Lianpari leh Pi Rosangpuii (Committee Members) te an kal ang.

- ♦ March 31 - April 2 (Ningani zan atanga Inrinni zing) chhung hian Central Kohhran Hmeichhe Committee Member-te pual Training, Synod Multipurpose Training Centre (SMTTC), Mission Vengthlangah an nei ang. Zanin (March 31) hian Rev. Lalzuithanga, Executive Secretary-in inkhawm a hmanpui ang a, Pathian Thuchah a sawi nghal ang. Training-ah hian Leadership Training te, Central Committee-te rawngbawl dan kalphung inhriattirna te, Central Committee fehchhuah thupui sawizauna te leh sawihona hun an hmang thin ang.

## □ Zin

March 29 - 31 chhung hian Consultation on NEI Churches response to Development and Tourism chu Shillong-ah neih mek a ni a, Mizoram Synod aiawhin Pu Andrew Varte, Asst. Coordinator, General Department leh Pu John Lalhruaitluanga, Social Front Asst. Coordinator te an tel a ni.

## □ Synod Mission Board

Synod Mission Board chuan kum 2011 chhunga Contract Missionary atan mi 25 a la thar a, Missionary lak tharte hi April 10 (Pathianni) chawhnu inkhawmah Chhinga Vengthlang Kohhran Biak Inah thlahna hun hman a ni ang. April 12 (Thawhlehi) dar 11 a.m. atangin Committee Room No.1, Synod Office-ah Orientation neih tur a ni a, Joining report pek leh agreement sign nghal tur a ni. Missionary atana lak tharte hian April 15, 2011 aia tlai lovah an thawhna tur hmun thlen theuh tur a ni. Missionary lak tharte leh an thawhna hmun tur pheh lehlamah tarlan a ni.

## □ MSSU

- ♦ April 2 (Inrinni) hian Vanbawng Kohhranah Upa Lalchhuanawma, Zuangtui (MSSU Trainer) leh Pu Lalthahluna Ralte (MSSU Asst. Coordinator) ten Sunday School Zirtirtu Training an neihpui ang.

- ♦ April 2 & 3 hian Zemabawng Vengthar Kohhranah Rev. Challiannura, Upa K. Vanlalnghaka, Ramhlun East; Upa K. Zoremsanga, Kulikawn leh Upa B. Lalhmunliana, Bethlehem Venglai (MSSU Trainers) ten Sunday School Zirtirtu Training an neihpui ang.

- ❑ **Music**  
 April 5 - 8 chung hian Silchar Bial chungga Dholchora kuaah Music Training neih a ni dawn a, training neihpui tur hian Pu Lalromawia, Synod Music Instructor leh Pu Lalsangzuala, Dam Veng te an kal ang.
- ❑ **Family Guidance & Counselling Centre**

  - ♦ April 2 & 3 hian Ramhlun Kohhranah Kristian Chhungkaw Seminar & Campaign neih a ni dawn a, speaker atan Rev. Zothansanga, FG&CC Director an hmang ang.
  - ♦ FG&CC-in Kristian Chhungkaw Film insiaksiak a buatsaiha film thehluh zawng zawng chu DVD pahnihah dah khawm a ni a, he film insiamsiaka tel zawng zawngte tan FG&CC Office-ah ngaihven theih a ni. Mimal lei duh tan Rs. 150/- in a lei theih bawk.

Film insiamsiaka lawmman pakhatna dawngtu Dinthar Kohhran chuan April 2 (Inrinni) hian Kohhran Hall-ah Pathian hnena lawmthu sawina neih pahin Kohhran mipui leh sawm bikte tan thingpui ruai an buatsaih dawn a ni.
- ❑ **Kristian Thalai Pawl**  
 April 1 - 3 chung hian Ngopa Bial huapin Ngopa Kohhranah Leadership Training neih a ni dawn a, training neihpui tur hian Pu Lalmuanawma, CKTP Treasurer leh T/Upa Zothangzuala Chhangte (CKTP Committee Members) te an kal ang.
- ❑ **Synod Choir**  
 Mizoram Synod Choir ten zaia rawngbawlina hetiang hian an nei ang :  
 April 3 (Pathianni) - Chhimphei Presbytery Meet, Aibawk Kohhran  
 April 5 (Thawhlejni) Chawhma - Tuithiang Branch Silver Jubilee  
 April 6 (Nilaini) Chhun - Mission Veng Biak In thar hawnna
- ❑ **Susamachar Prasaran Programme**  
 April 3 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Champhai Bethel Pastor Bial - Hosenna, **Group/Choir/Solo** : Mission Veng Masihi Sangati - Rahi, **Sermon** : Rev. Mohanlal Tudu, **Group/Choir/Solo** : Champhai Bethel Pastor Bial - Jab Jab Dekho, **Group/Choir/Solo** : Venghnuai Pastor Bial - Lhushiya, **Group/Choir/Solo** : Kulikawn Masihi Sangati Zaipawl - Bhule.
- ❑ **Moderator Programme**  
 Synod Moderator Rev. C. Lalsangliana chuan tun kar tawpah hetiang hian hun a hmang ang :  
 ♦ April 1 (Zirtawpni) : Sailam Gospel Centenary lawmna, Chhiahtlang  
 ♦ April 2 (Inrinni) Zan : Arned Veng South Kohhran  
 ♦ April 3 (Pathianni) : Tanhril Bial Kohhran hrang hrang tlawh  
 ♦ April 5 (Thawhlejni) : Hospital Board Executive Committee Meeting  
 ♦ April 6 (Nilaini) Chhun : Mission Veng Kohhran Biak In hawn  
 ♦ April 7 (Ningani) : Sihphir Bial Golden Jubilee, Sihphir Kohhran

**SYNOD MISSION BOARD HNUAIA MISSIONARY LAK THARTE**

Sl. No.	Hming	Pa/nu Hming	Thiamna	Address	Thawh tur	Awmna tur	Awmna tur Field
1.	V.L. Hmangaihzuai	Lalnuntluanga Colney	MSW	Sihphir Dam Veng	Evan. Teacher	Bungtlang S	Home Mission S
2.	Jeho MS Dawngliana	Upa B. Rochungnunga	BA, BD	Thingsulthiah Hospital Veng	Evan. Teacher	Vathuampui	Home Mission S
3.	Lalnuntluanga	R.K. Lairopui	BA, BD	Nursery Veng, Aizawl	Evan. Teacher	RTMS Tuipuibari II	Home Mission N
4.	Zoremliana Pachuau	P.C. Vanlalsiama	BA (Eco), BD M.Th. (NT)	Rulchawm	Evan. Teacher	Tlabung	Home Mission S
5.	Laltlanpuii Sailo	Lalrinawma Sailo	M.Sc. (FEBES)	Kanghmun	Evan. Teacher	PMS Hamren	Karbi Anglong
6.	Laltlanthanga Zote	Lalhmunhluna Zote	MA, (Ling), BD, M.Th. (Missio)	Vanbawng	Evan. Teacher	CHS Tuidu	Tripura
7.	Zonunmawia	B. Thanliana	B.Sc., B.Ed, BD, M.Th. (CT)	Maubawk, Aizawl	Evan. Teacher	CES Karbook	Tripura
8.	Vanlalchhanhimi	K.T. Thanga	BA B.Ed, Steno	Ramhlun E	Principal	Santi Niketan Public School	Himachal Pradesh
9.	Thangzakimi	Aikhuma (L)	GNM	Mualmam, Sesawng	Staff Nurse	Damdep I	Home Mission S
10.	P.C. Lafakzuai	P.C. Vanlalhluna	GNM	Zotlang, Aizawl	Staff Nurse	Saibawh	Home Mission S
11.	H. Lalramhluna	H. Vanlalhuma	B.Sc. (Botany)	Kanghmun	Evan. Teacher	PMS Hamren	Karbi Anglong
12.	K. Lalremruata	K. Khualluna	BA (Hist)	Thingsulthiah	Evan. Teacher	Marpara	Home Mission N
13.	Lalhruiatluangi	Rev. Z.T. Sangkhuma	HSSLC	Zotlang, Aizawl	Evan. Teacher	Zawlpuoi	Home Mission S
14.	Malsawmdawngzeli	P. Huthangi	HSSLC	Mission Veng, Aizawl	Evan. Teacher	Hmawngbu	Home Mission S
15.	Lalthankimi	P.C. Lalzarliana	HSSLC	Chhinga Vengthlang	Evan. Teacher	Vathuampui	Home Mission S
16.	Zothanpuii	Lianthangpuii	HSSLC	Srimantapur, Assam	Evan. Teacher	JMS Jonai	Arunachal W
17.	J. Vanlaldika	Lalrova	HSSLC	Vanbawng	Evangelist	Siliguri	Siliguri
18.	Lalvenpuia	Saithangluaia	HSLC	Rengdil	Evan. Teacher	Hruiduk	Home Mission N
19.	Hmingthanmawii	Chhunkhuma	HSLC	Serchhip Hmar Veng	Evan. Teacher	Damdep I	Home Mission S
20.	Saithangpuii Sailo	Lalchhandama Sailo	UM	Tualcheng	Evangelist	Jharkhand	Jharkhand
21.	Lalmangaihchhuanga	Dozika	UM	N. Khawbung	Evan. Teacher	Parva I	Home Mission S
22.	C. Lalhmangaihkhimi	C. Lalzuiliana (L)	UM	Sesawng Venglai	Evan. Teacher	Khawmawi	Home Mission S
23.	C. Vanlaltlana	Laizuama	UM	W. Phaileng	Evan. Teacher	Thaidawr	Home Mission N
24.	B. Lalhrattiri	Upa B. Lalbiaktluanga	UM	Serchhip AOC Veng	Evan. Teacher	Hruiduk	Home Mission N
25.	Rebecca Lalchhanhimi	Laltlankima	UM	Bawngkawn Chhim Veng	Evangelist	Arunachal W	Arunachal W